



Hans Enoksen, Naleraq
Inatsisartunut ilaasortaq
inatsisartut@ina.alla.gl

Narsarsuaq pillugu § 37 naapertorlugu apeqquteqaammut 2022-114-imut akissut

30-06-2022
Suliaq nr.: 2022 - 11969
ID. nr. 77612281

Asasara Hans

Inatsisartut suleriaasianni § 37 naapertorlugu Narsarsuaq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Narsarsuarmi innuttaasut piffissami kingullermi assut toqqissisimangilat ilaatigut nunaqarfiup siunissaa nalorninartumik inissisimammatt innuttaasut orninniarneqarpat oqaloqatigiartorlugit?

Akissut: Mittarfeqarfiit juunip qaammataani Narsarsuarmi sulisuminnik sulisunut ataatsimiititseqqammerpoq. Peqatigisaanik ilaqutariit katitigaaneri aammalu siunissami suliffissamut, inissamut il.il. kissaatigineqartut pillugit paasissutissanik katersiniarluni Mittarfeqarfiit sulisutik tamaasa oqaloqatigereerai. Taamatut suliaqarneq Qaqortumi mittarfiup ukiut 3½ missai qaangiuppata atorneqalinnginneranni sulisut kissaatigisaannik pisariaqartitaannillu paasinarsisitsinissamut iluaqutaassaaq .

Peqatigisaanik Narsarsuup siunissaanut suleqatigiissitaliap ataani suleqatigiissitaliaq, Narsarsuarmi inuussutissarsiortut soqutigisaannik periarfissaannillu paasiniaasusaaq, pilersinneqarpoq. Suleqatigiissitaliap ataani suleqatigiissitaliaq juunip 22-ani Narsarsuarmi inuussutissarsiortunik isumasioqatigiissitsivoq.

Tamatuma saniatigut Majoriaq Narsaq juunimi nunaqarfimmu tikeraarpoq. Tassani innuttaasut soqutiginnittut kissaatigisaat periarfissaallu pillugit oqaloqatigaat.

Kiisalu paasitinneqarpunga Kommunalbestyrelsi aamma Stine Egede ulloq 23. juni Narsarsuarmi innuttaasunik ataatsimiititsisimasut.

Allatut oqaatigalugu kingullertigut Narsarsuarmi arlalippassuarnik sammisaqartitsisoqarpoq, pissutigalugu nunaqarfiup siunissaa pingaartikkatsigu. Peqatigisaanik ukiamut ataatsimiititseqqinnissara naatsorsuutigaara, tassani aamma peqataanissara pilersaarutigalugu.

Apeqqut 2. Narsarsuarmi innuttaasut ilaatigut malunnartumik toqqissisimangissutigaat sinerissamut nutsissagaluarunik kiap angalanerit aammalu pisattanik nuussinerit kimik akilerneqassanersut?

Akissut: Naalakkersuisut erseqqissassavaat innuttaasut akornanni toqqissisimangilersitsinissaaq sulissutigineqanngimmat, kisianni Naalakkersuisut

aalajangiinerit Inatsisartut aamma Naalackersuisut politikikkut aalajangiussimasaat malillugit tamakkiisumik sulimmata. Taamaattumik Naalackersuisut aamma erseqqissassavaat, Naalackersuisut Narsarsuaq matuniangikkaat aammalu najugaqartut najugaqaannarnissamik kissaateqartut oqaloqatigineqartut aamma Naalackersuisut tamanna pillugu kommuni Kujalleq suleqatigilluaraat.

Aningaasanut Inatsimmi nuttarnersitsinissamut ikiorsiissutinut aningaasassanik immikkoortitsisoqareersoq, Isumaginninnermut Suliffeqarnermullu Naalackersuisoqarfiup paasissutissiissutigaa. Nuttarnersitsinissamut ikiorserneqarnissamut piumasqaataavoq qinnuteqartoq suliffissarsiuussisarfimmi suliffissarsiortutut nalunaarsorsimasuussasoq kiisalu illoqarfimmi allami suliffissarsiuussisarfiup najukkameersunik sulissarsisinnaanngisaanni suliffissamik neqeroofigineqarsimassasoq. Atorfininnermi angalanissaq aammalu atorfinittumut pineqartullu ilaqutaannut qaninnerpaanut (inoqatigisaq/katissimallugu aapparisaq aamma meeqqat 18-it inorlugit ukiullit) pequtit nuunnissaat ikiorsiissutini matussuserneqassapput. Aammattaaq pisortanit ikiorsiissutit pillugit maleruagassat malillugit illoqarfimmut allamut nuunnissamut ikiorserneqarnissaq pillugu qinnuteqarnissaq periarfissaavoq.

Apeqqu 3. Innuttaasut nuunniartut pisortanik akiliunneqassappat?

Akissut: Apeqquummut 2-mut akissut innersuussutigineqarpoq.

Apeqqu 4. Nuuffissaminni initaarnissaat suliffissaqarnissaallu qulakkerniarneqarpa?

Akissut: Inissianut tunngatillugu, INI A/S-mi illoqarfimmi allami inissiamut attartortittakkamut allatsittoqarsinnaavoq. Inissarsiortunik utaqqisoqarmat aammalu inissiamut sumi allatsinnissaq kissaatigineqarnersoq apeqqutaalluni, piffissaalluarallartillugu allatsinnissaq isumassarsialsialaasinnaavoq. Assersuutigalugu INI A/S-ip qanittumi pasissutissiissutigaa Qaqortumi initaarnissamut utaqqineq qaammatit 11 tikillugit sivilissuseqartoq, Narsami utaqqineq qaammatit 4 tikillugit sivilissuseqarluni.

Suliffissaqartitsiniarnermut tunngatillugu ataatsimut isigalugu oqaatigineqarsinnaavoq, Kalaallit Nunaanni suliffeqarnermi suliffissamut qularnaarisoqarsinnaanngitsoq. Taamaattoq Mittarfeqarfiit sulisuminnut tunngatillugu paasissutissiippat Kalaallit Airports (KAIR) suleqatigalugu Qaqortumi mittarfissami atorfiit pilersinneqartussat suusanersut misissueqqissaarneq aallartinneqartoq. Apeqquummut 1-imut akissutip ataani oqaatigineqartut, sulisut kissaatigisaat, ilanngullugu Qaqortumi Mittarfimmi atorfinnut nutaanut nuunnissamik kissaateqarnerisut, paasinarsisinniarlugit, Mittarfeqarfiit Narsarsuarmi sulisuminnik tamaginnik oqaloqateqartussaavoq.

Apeqqu 5. Narsarsuarmiut nutsernissaannut ilimanarmammi innuttaasut amerlanerpaat nuussinnaasut, tamakku pillugit qanoq kommune kujalleq suleqataatinneqarpa?

a) Aammalu qanoq neqeroofiginiarneqarpaat ikiorserneqarnissaannut.

Akissut: Narsarsuup siunissaanut suleqatigiissitaliaq pisortatigoortumik ulloq 8. marts pilerseqqinneqarpoq, aammalu anigorniagassat qanoq aaqiivigineqassanersut sinnersuuteqartussaalluni. Suleqatigiissitaliaq suliaqkiissutinut najoqqutassaq

Kommune Kujallermi borgmesterimit aamma Ineqarnermut Attaveqaasersuutinullu Nalakkersuisumit atsiorneqarpoq. Kommuni suleqatigiissitaliamut aqutsisuvoq allattoqarfiullunilu – aammalu allatut oqaatigalugu suliaqarnermi tamakkiisumik ingerlatitsisuulluni.

Tapersiinissamut periarfissat pillugit apeqput pillugu, apeqputip 2-p ataani akissuteqaat innersuussutigissavara.

Apeqput 6. Innuttaasut nuussinnaasut peqatigalugit pilersaarusiortoqarpa?

a) Naalakkersuisut suliniutinik aallartitsereerpat?

Akissut: Apeqqummut 1-imut akissuteqaammi nassuiarneqartut, piffissami aggersumi innuttaasunik akuutitsiniarluni arlalinnik suliniuteqartoqartussaavoq, ilaatigut nalinginnaasumik kissaatai periarfissaalu pillugit oqaloqatiginiarlugit.

Apeqput 7. Narsarsuarmiut namminneq illuutilit, aammalumi namminersortut, ingerlataminnik politikikkut aalajangiinerit pequtigalugit annaasaqarpata annaasaat taarsiissutigineqassappat?

Akissut: Naalakkersuisut innuttaasunut nammineq illuutilinnut aningaasaqarnikkut taarsiissutissanik ikiorsiinissamut inatsisini tunngavissaqanngillat. Illoqarfinni imaluunniit nunaqarfinni pineqartuni ingerlatat allannguiffigineqaraangata immikkut ittumik taarsiissutissanik ikiorsiinissamut inatsisini tunngavissaqanngilaq. Nunarput tamakkerlugu maleruagassat assigiit atuupput. Illoqarfiit imaluunniit nunaqarfiit arlaannilluunniit tassunga tunngatillugu immikkut inissisimasoqanngilaq. Kalaallit Nunaanni illoqarfiit allat akornanni pisortani sullivinnik nuuttoqartillugu tamanna aamma pisarpoq.

Neriutigaara matuma siulianiittuni apeqputitit akineqarsimassasut.

Inussiarnetsumik muulluaqqusillunga



Erik Jensen